

南鄭縣志序

南鄭古褒國地周初被文王德化旱麓之篇發諫大雅  
由來尚矣不遷後地入于秦厲共公始城之惠文王取  
楚漢中地置漢中郡以邑隸焉至東漢遂為郡治愨晉  
宋迄元明以及

本朝並相承不改數千百年間沿革攝盛盛衰得失之故  
堪資攷鏡者何窮顧舊無專志紀載闕如府志所書其  
文畧不具邑之文獻典章無所據以攷信識者病之余  
承乏茲邑初下車接見諸紳士皆以志為請余諾之而

南鄭

序文

未暇為非惟不暇亦念創始恭難不敢苟且以從事也  
數載以來時和年豐四野寧謐守土之吏幸免厥愆諸  
紳士復堅申前請義不容以固陋辭乃于公餘之暇瀏  
覽羣書撮其有關於志者類聚族分次第纂輯并屬紳  
士互相諏訪彙為徵實撫遺二錄以資采取于是近事  
益備凡九閱月三易藁而書成謹繕呈

道憲盛公 府憲吳公猥蒙許可命付剞劂夫志乘之  
作自古難之矣搜羅不博則失之陋攷覈不精則失之  
蕪既博且精而後可以稱志是編薈萃古今務期于詳

瞻又以前靡所承無徵不信凡所引据必標列書名其  
有淆訛時為駁正惟恐以無稽之說疑誤後來此兢兢  
紀述之苦心庶幾異于苟且以從事者非敢云毫髮無  
遺憾也刻既竣因序其緣起以誌歲月至于義例已散  
見各卷中不贅述云

告

乾  
五十九年歲次甲寅仲春二月初吉

知  
鄭縣事溧陽王行儉書于縣署之雙桂堂

兩鄭

序文

二

纂輯

知南鄭縣事辛卯科舉人溧陽王行儉

考訂

南鄭縣儒學教諭辛卯科舉人李彧

南鄭縣儒學訓導庚寅科舉人李士龍

壬午科舉人延安府靖邊縣訓導截取知縣樊德輝

壬子科舉人王璉

編次

南鄭縣青石關巡檢司余孔捷

南鄭縣

衙名

一

南鄭縣典史崔萱

監修

甲子科武舉原任四川遊擊焦文炎

壬申科武進士原任泗州衛守備焦廷遴

己卯科武舉胡祐

歲貢羅大成

附歲貢胡紹德

附歲貢萬克允

生員牛配元

生

員李天中

生

員蘇滋生

生

員馬通

生

員李映華

採訪

已

酉

科

武

舉范瑞星

鄉

飲任綱

鄉

飲任翰池

鄉

飲袁朝榮

南

街名

鄉

飲張顯世

鄉

飲張可立

鄉

飲陳際盛

廩

生王緝

生

員王泳隆

生

員朱閑道

生

員蘇萬善

生

員姚維藩

生

員黃昌榮

生

員汪文元

生

員李景白

生

員温啟馨

生

員殷際昌

生

員金子堅

生

員毛禮讓

校刊

鄉

飲牟發

鄉

飲李驥桂

南鄭志 街名

鄉

飲焦士傑

鄉

飲樊德欽

鄉

飲楚文標

鄉

飲盧良榕

鄉

飲雷暄

鄉

飲宋紹景

校對

廩

生楊春元

廩

生張鵬飛

廩

廩



生奚起榮

生李端來

南郭之志

術名

四



延修志書啟

粵自書傳禹貢官號職方太師采列國之風外史掌四方之志黃圖皇覽漢魏具有成書郡國方輿唐宋彌多全帙維千載之典章既脩豈一方之文獻無徵瞻茲南邑風號名區地界雍梁星躔井鬼旱麓興歌於周雅沱潛誌蹟於夏書山川雄秀開漢家四百之基土壤膏腴延劉氏三分之統渠名蕭堰文終之惠澤斯存谷號武鄉丞相之經營如在地靈鍾秀人傑挺生節効忠貞咸仰漢庭太尉才資匡濟羣推元代平章樊季齊之高隱

南鄭志

啟

范史無聲李貞古之孝思唐書著美母儀若杜泰姬之賢明婦道如韓樹南之節烈美不勝收並足維持風化終難悉數尤堪扶植綱常顧自秦厲築城而後歲近三千暨國朝定鼎以來年經百五前言徃行非無載籍之傳聞別類分門未有成編之薈萃遂使曠懷上下之間污隆莫考憑弔古今之數損益無稽儉一官承乏五載滋慙幸逢

聖世之休祥雨暘時若欣荷

上臺之覆芘獄訟風清是用不辭固陋有志纂修念創始  
之維艱蒐羅務廣值公餘之稍暇考覈綦勤體例甫成  
規模粗俗特速稽更宜近取而援古尚未徵今僻壤窮  
鄉容有幽光之待闡殘碑斷碣豈無軼事之堪稽倘採  
摭未務致其精詳斯撰述必貽譏於疎漏惟祈  
先達名公後來髦士匡其不逮惠以好音各抒識小識  
大之見聞用資或筆或削之去取庶幾釀花成蜜此邦  
之紀載可徵集腋為裘他日之流傳不朽云爾此啟

知南鄭縣事溧陽王行儉具

南鄭縣志卷之一

知南鄭縣事灤陽王行儉纂輯

輿地上

沿革

按志輿地者必先星野前明喬世寧耀州志謂星野古以國論括地廣遠州小故不書今例取耀志而義又不同蓋邑為郡治星野自當以郡主之闕而不書以專郡示有統云

南鄭為貢梁州之域古褒國屬邑

南鄭縣志

卷之一 輿地

一

按禹貢華陽黑水惟梁州地理今釋漢中府古梁州水經注南鄭縣古褒國之附庸

又按南鄭地名始見於史記秦本紀註家不詳其所由來考劉熙釋名云鄭町也地多平町町然也鄭本周西畿成林之地南鄭在西畿之南而地始出險就平故稱南鄭以別於西畿之鄭所從來遠矣水經注謂因鄭桓公被難其民南奔故名夫鄭武公從平王東遷施舊號於新邑是為新鄭若鄭民避難南奔誰為之定其邑居而施舊號乎此蓋

附會之說史漢注並無文

周以梁并雍爲雍州之域東周後地入於秦

按史記秦本紀楚自漢中南有巴黔中與秦接界  
惠王後十三年攻楚漢中取地六百里置漢中郡  
說者因謂南鄭始爲楚地後屬秦今考南鄭本蜀  
地蜀志望帝以褒斜爲前門是也史記六國表秦  
厲公二十六年城南鄭時距春秋之末甫三十餘  
年下逮惠王取楚漢中之歲一百三十年而南鄭  
巴爲秦地蹀公二年又叛秦附蜀惠公復取之秦

南鄭縣志

卷之一 輿地

二

本紀惠公十三年伐蜀取南鄭取之蜀非取之楚  
也史記所稱楚有漢中秦取楚地置漢中郡者蓋  
指今之興安府一帶古西城旬陽房陵上庸長利  
諸邑非謂全郡皆楚地也

又按竹書穆王築祗宮於南鄭穆天子傳亦有天  
子入於南鄭之文或云即今南鄭縣郭璞注云南  
鄭今京兆鄭縣漢書臣瓚注亦云穆王以下都於  
西鄭考春秋左氏傳穆王欲肆其心周行天下祭  
公謀父作祈招之詩以止王心王是以獲沒於祗

宮是祇宮當在都內周自武王宅鎬至懿王始徙  
犬邱穆王遷都不見於史是以顏師古漢書地理  
志注謂穆王無都西鄭之事而斥墳說為非是京  
兆鄭縣之說亦屬傳疑或以南鄭之文附會為茲  
邑更無稽矣

秦為南鄭縣屬漢中郡

按史記秦惠王後十三年置漢中郡始皇二十六  
年分天下為三十六郡漢中其一也時郡所治縣  
史無明文考秦本紀昭王二十年王之漢中六國

南鄭縣志

卷之一 輿地

三

表昭王四十六年王之南鄭一以郡書一以縣書  
是縣非郡治即此可徵前漢郡治西城蓋因秦舊  
說見後條

漢為南鄭縣屬漢中郡隸益州高帝初封漢王都此

按漢書地理志漢中郡縣十二南鄭屬焉 晉書  
地理志漢不立州名以梁州之地為益州漢書地  
理志平帝元始中改梁曰益

後漢為南鄭縣漢中郡治 按自後常隸益州  
為郡治

按後漢書郡國志漢中郡九城首南鄭

又按輿地之書並云秦漢置漢中郡治南鄭舊說相承莫知其誤考史例凡郡所治者縣名必先書而前漢地理志漢中郡下首西城不首南鄭頗以爲疑及讀城固唐公房仙人碑後漢時漢中太守郭芝所立也碑稱公房以王莽居攝二年爲郡吏遇真人與以神藥曰服此當移意萬里時府在西城去家七百餘里休謁往來轉影即至西城今與安府治公房家城固相去七百餘里因知前漢郡治西城後漢始移治南鄭是以前志漢中郡領縣十二首西城後志漢中郡領九城首南鄭縣名先書者郡所治也向來沿誤皆失之不考

蜀漢爲南鄭縣屬漢中郡隸益州

按漢未張魯據漢中改漢中爲漢寧郡建安二十一年魏武平張魯復漢寧爲漢中二十四年蜀先立有其地

又按自漢以梁州爲益州而梁州之名遂虛通典蜀統益梁二州梁治漢中宋祝穆方輿勝覽亦云蜀立梁州今考魏志景元四年平蜀始立梁州晉

書地理志又云泰始三年分益州立梁州則蜀時  
無梁州也通典勝覽並非

晉爲南鄭縣屬漢中郡梁州刺史治

按晉書地理志漢中郡統縣八首南鄭 又按泰  
始三年分益州立梁州於漢中

宋爲南鄭縣屬漢中郡梁州刺史治

按宋書州郡志漢中郡領縣四首南鄭 又按魏  
景元四年平蜀立梁州治漢中南鄭李氏據梁益  
江左於襄陽僑立梁州李氏滅復舊譙縱時又治

南鄭縣志

卷之一 輿地

五

漢中刺史治魏興縱滅刺史還治漢中之苞中縣  
所謂南城也文帝元嘉十年刺史甄法護於南城  
失守刺史蕭思話還治南鄭

齊爲南鄭縣屬漢中郡梁州刺史鎮

按南齊書州郡志漢中郡縣五首南鄭 又按梁  
州鎮南鄭

梁爲南鄭縣屬漢中郡梁秦二州刺史鎮天監三年沒  
於魏

按梁書武帝紀天監三年魏陷梁州魏書世宗紀

正始元年閏十月梁行梁州事夏侯道遷據漢中  
來降

魏爲南鄭縣屬漢中郡梁州刺史鎮西魏大統元年復  
入於梁十七年仍屬魏

按魏書地形志漢中郡縣三首南鄭 梁書武帝

紀大同元年十一月西魏大統元年北梁州刺史蘭欽攻

漢中克之魏梁州刺史元羅降後周書大統十七  
年大將軍達奚武征漢中梁州刺史蕭循以州降

西魏爲南鄭縣析置白雲縣後又改南鄭爲光義縣

南鄭縣志

卷之一 輿地

六

按隋書地理志南鄭西魏置白雲縣太平寰宇記  
後魏廢帝三年改南鄭爲光義縣移理州東光義  
府

隋爲南鄭縣漢川郡治大業初省白雲縣併入

按太平寰宇記後魏改南鄭爲光義縣隋開皇初  
復爲南鄭縣隋書地理志南鄭舊置漢川郡開皇  
初郡廢大業初置又西魏置白雲縣大業初併入  
焉

唐爲南鄭縣漢中郡治後爲興元府治隸山南西道

按唐書地理志興元府漢中郡本梁州漢川郡開元十三年以梁涼聲相近更名嘉州二十年復曰梁州天寶元年更郡名興元元年為府縣五南鄭為次赤

五代為南鄭縣興元府治隸山南西道偽蜀王建據其地唐莊宗平之後復為孟昶所據蜀亡地入於宋按五代史職方考興元府曰山南西道唐故號五代無所易文獻通考王蜀改興元府為天義軍後復故

南鄭縣志

卷之一 輿地

七

宋為南鄭縣興元府治南渡後析置廉水縣隸利州路按宋史地理志興元府縣四南鄭為次赤南渡紹興四年按一作紹熙四年析南鄭置廉水縣以廉水為名元史地理志興元路宋時領縣五後廢廉水入南鄭

元為南鄭縣屬興元路隸陝西行中書省

按元史地理志興元路領州二縣四首南鄭

明為南鄭縣漢中府治隸陝西承宣布政司使

按明史地理志漢中府領州二縣十四

按後改興安為直隸

州漢中府領南鄭倚

本朝因明制

疆域

一統志附郭東西距五十里南北距一百六十里東至城固縣界二十里西至褒城縣界三十里南至四川保寧府南江縣界一百四十里北至褒城縣界二十里東南至保寧府通江縣界一百二十里西南至保寧府巴州界一百九十里東北至城固縣界四十里西北至褒城縣界二十里

南鄭縣志

卷之一 輿地

八

按南鄭疆域與古不同東觀漢記以漢中郡南鄭之西鄉戶千封班超爲定遠侯李賢云故城在今洋州西鄉縣南是漢時南鄭之境直跨西鄉其廣如此至唐以後則東南縮而西北稍贏蓋今之洋縣本漢城固縣地自後魏及唐置洋州割城固之地入洋於是分南鄭以益城固而東境遂蹙西稍占入褒城是以李太尉固墓在長柳渡者漢時本南鄭地今屬城固褒城驛在小柏鄉者唐爲褒城地今屬南鄭疆域遷移大畧如此其詳不可考矣

形勢

府志漢山

按當作  
畢山

面其南漢水下流環圍若帶通志南

襟江漢北控褒斜

按府志載有八景類多傳會譚吉璉輯延綏鎮志  
謂古人之書未嘗有所云景致者景致之目俗甚  
其說良然今不錄